



## Ymestyn Gerddi Yng Nghefn Gwlad

**M**ae angen caniatâd cynllunio i ymestyn gardd tŷ ar dir a ddefnyddir at ddiben arall. Mewn ardaloedd adeiledig, bydd cynigion i ymestyn gerddi fel rheol yn cynnwys tir a ddatblygwyd eisoes, sydd yn segur neu'n wag. Yn y rhan fwyaf o achosion, bydd y cynigion hyn yn cydymffurfio â pholisïau cynllun datblygiad y Cyngor ac yn debygol o fod yn dderbyniol mewn egwyddor: yn wir, gallant fod ag effaith gadarnhaol ar olwg y gymdogaeth.

Yng nghefn gwlad, fodd bynnag, rhaid ystyried cynigion i ymestyn gerddi yng nghyd-destun rhychwant ehangach o bynciau cynllunio. Mae'r Cyngor yn ymroddedig i gynnal cymeriad a golwg cefn gwlad a'i warchod rhag datblygiad anaddas. Drwy ehangu cwrtlau preswyl, newid ffiniau lleiniau a dod â defnydd domestig i dir oedd gynt yn dir amaeth, gall ymestyn gerddi fod â chryn effaith weledol. Mewn amryw o achosion, mae'r fath estyniadau yn arwain yn raddol at ddyfodiad nodweddion trefol (er enghraifft, cytiau, murudrai, lloriau caled, ac ati) i glychoedd lle rhoddir gwerth uchel ar dirlun agored a deniadol.

Mae'r Cyngor yn cydnabod bod rhai deiliaid tai yng nghefn gwlad eisiau gerddi mwy. Lle gellir creu'r rhain yn y fath fodd ag i beidio amharu ar dirlun a chymeriad y cylch, gall estyniad i ardd fod yn dderbyniol.

Serch hynny, egwyddor arweiniol y Cyngor yw'r angen i warchod amgylchedd cefn gwlad. Mae'r canllaw hwn, felly, yn trafod y materion y bydd y Cyngor yn eu hystyried wrth benderfynu ceisiadau i ymestyn gerddi yng nghefn gwlad.

*Ar gael mewn diwygiau eraill*

### Ystyriaethau Cyffredinol

#### (a) Maint a Graddfa

Bydd maint y tir y bydd y Cyngor yn ei ystyried yn addas i'w gynnwys mewn ymestyniad i ardd yn amrywio gan ddiybnu ar faint y cwrtil preswyl presennol. Pan fo gan dŷ ardd sylweddol bresennol, mae estyniad yn debygol o gael ei wrthod: fodd bynnag, pan fo maint cwrtil presennol yn gyfyng iawn, gall estyniad fod yn dderbyniol ond iddo gael ei gyfyngu i'r darn lleiaf o dir sy'n addas i'r teulu allu ei fwynhau. Wrth ystyried os yw maint ymestyniad arfaethedig i ardd yn briodol, bydd y Cyngor yn ystyried yn arbennig :-

- *wynebwedd a lleoliad y safle;*
- *presenoldeb nodweddion tirlun fel newid goleddf, gwrychoedd, cwrs dŷr neu goetir allai ffurfio terfyn newydd rhesymegol i'r cwrtil preswyl;*
- *faint o dir amaeth o ansawdd uchel fyddai'n cael ei ddwyn o waith cynhyrchiol.*

#### (b) Gwasanaethau Hanfodol

Mae ymestyn gerddi er mwyn cael lle i danciau tanwydd gwres canolog, tanciau carthion neu wasanaethau hanfodol eraill cartrefi yn debygol o fod yn dderbyniol lle nad oes digon o le ar gael i'r gwasanaethau hyn yn y cwrtil preswyl presennol. Fodd bynnag, rhaid cyfyngu'r estyniad i'r arwynebedd lleiaf sydd ei angen i gydymffurfio â gofynion y cyfarpar. Yn achos cyfarpar arwyneb, bydd angen i strwythurau ac offer fod wedi eu lliwio, eu cuddio neu eu gosod yn y fath fodd ag i leihau'r effaith ar y tirwedd.

#### (c) Mynediad a Pharcio Cerbydau

Os yw'r tŷ heb fynediad i gerbydau, mynediad gyda gweleddd gwael neu heb le i barcio oddi ar y ffordd, gellir caniatáu ymestyniad i ardd pe bai hynny yn diddymu perygl sylweddol i ddiogelwch ar y ffordd. O dan yr amgylchiadau hyn, cyfyngir yr estyniad fel rheol i'r arwynebedd lleiaf sydd ei angen i gydymffurfio â safonau ffyrdd a pharcio'r Cyngor.



## Amgylchiadau Arbennig

Mewn rhai manau, yr angen i amddiffyn yr amgylchedd a gwarchod amwynder gweledol fydd y prif ystyriaethau wrth benderfynu cynigion i ymestyn gerddi. Bydd y manau hyn yn cynnwys safleoedd:--

### (a) sydd o fewn rhwystr gwyrdd

Diffinnir rhwystrau gwyrdd yn y cynllun datblygu a'r rhain yw'r ardaloedd, agored gan mwyaf, sy'n gwahanu'r prif drefi a phentrefi. Bwriedir iddynt atal aneddiadau rhag cyfuno drwy gyfyngu datblygiad i ddefnyddiau a gweithgareddau na fyddai ddim yn effeithio ar eu cymeriad agored. Byddai ymestyn gerddi yn sylweddol o fewn y rhwystrau gwyrdd yn difa'r nodwedd hon ac, os nad yw cynnig yn fychan neu'n ddi-nod iawn, mae'n annhebygol felly y byddai caniatâd cynllunio yn cael ei roddi.

### (b) lle byddai'r estyniad yn effeithio'n andwyol ar olwg ardal nodedig, arbennig neu dirwedd lleol

Y rhain yw'r tirluniau pwysicaf yn y Fwrdeistref Sirol. Dynodwyd hwy yn y cynllun datblygu oherwydd eu hansawdd weledol ac amgylcheddol a'r cyfraniad a wnânt i sefyllfa, amwynder a chymeriad yr aneddiadau. Gallai ymestyn gerddi newid golwg y cylchoedd hyn yn sylweddol ac maent yn debygol o gael eu gwrthod.

### (c) lle byddai'r estyniad yn effeithio'n niweidiol ar dir sydd o ddiddordeb sylweddol i gadwraeth natur

Os bydd yr estyniad arfaethedig yn cynnwys safle, neu ran o safle, sy'n cynnwys nodweddion o gryn diddordeb i gadwraeth natur, mae'r angen i warchod y nodweddion hyn yn debygol o ddwyn blaenoriaeth ar yr achos dros ymestyn gardd tŷ.

### (d) ar bwys terfyn aneddiad

Mae'r cynllun datblygu yn diffinio terfynau aneddiad ac ni chaniateir datblygiad tu hwnt iddynt. Mae'r terfynau hyn, sydd fel rheol yn dilyn ffiniau adeiladau presennol neu dir a ddynodwyd ar gyfer datblygiad yn y dyfodol, yn sefydlu gwahaniaeth amlwg rhwng tref, pentref a chefn gwlad. Byddai'r

gwahaniaeth hwn yn cael ei wanhau'n sylweddol pe byddai gerddi tai yn cael eu hymestyn yn ddiwahân tu allan i'r terfynau cymeradwy hyn. Y canlyniad terfynol fyddai i ddatblygiad lechfeddiannu cefn gwlad bob yn dipyn. Felly, nid yw caniatâd cynllunio i ymestyn gerddi tu hwnt i derfynau aneddiad yn debygol o gael ei roddi ond mewn achosion eithriadol lle byddair cwrtil preswyl newydd yn cael ei gynnwys rhwng gerddi tai cyfagos.

### (e) lle byddai'r estyniad yn llenwi bwlch sylweddol rhwng tai

Mae'r cynllun datblygu yn dangos y gellir caniatáu mewnlenwi preswyl lle bo bylchau bach rhwng tai ar ffordd yn dderbyniol ond bod dim niwed amgylcheddol yn digwydd: fe ellir caniatáu ymestyn gerddi i'r fath fylchau felly hefyd. Fodd bynnag, mae cynigion fyddai'n ymestyn gerddi fel ag i gau bylchau sylweddol rhwng tai yn annhebygol o gael caniatâd. Mae'n hanfodol bod y bylchau hyn yn cael eu cadw os yw cymeriad agored cefn gwlad i'w gynnal.

### (f) os rhoddwyd caniatâd blaenorol

Os rhoddwyd caniatâd eisoes i ymestyn gardd, mae'n annhebygol dros ben y gellid cyfiawnhau estyniad pellach oherwydd yr effaith ychwanegol ar dirlun ac amwynder.

### (g) pan fo angen yr estyniad i greu lle i ehangu tŷ

Dylid cynnwys estyniadau i dai gwledig o fewn y cwrtil preswyl presennol (gweler Canllaw Cynllunio Lleol 13: Tai yng Nghewn Gwlad). Bwriad polisiâu'r cynllun datblygiad yw lleihau datblygiadau adeiladu yng nghefn gwlad ac, o'r herwydd, mae'n annhebygol y rhoddir caniatâd cynllunio i ymestyn gerddi er mwyn creu lle i ehangu tŷ.



## Amodau

Fel rheol gosodir amodau ar ganiatâd cynllunio i ymestyn gerddi. Diben yr amodau hyn yw lliniaru effaith weledol estyniadau ar y tirlun a gallant gynnwys:

- diddymu hawl datblygiad y deiliad i godi cytiau, tai gwydr a strwythurau gardd eraill;
- gofyniad bod ffin yr estyniad (a thir arall ym meddiant deiliad y tŷ, pan yn briodol) yn cael ei gau un ai gan wrych a ffurfir o rywogaethau planhigion cynhenid neu glawdd cerrig naturiol;
- gofyniad tirlunio i sicrhau bod yr ardd newydd yn ymdoddi i'r wlad o amgylch.

## Gwybodaeth Bellach

Dylid darllen y canllaw hwn ar y cyd â'r polisiâu cynllunio perthnasol sy'n trin datblygiad yng nghefn gwlad. Cynhwysir y rhain yn y cynllun datblygiad, gyda chopïau o hwnnw ar gael i'w harchwilio yn Adran Gynllunio'r Cyngor. Bydd swyddogion cynllunio yn falch o drafod cynigion yn anffurfiol cyn i gais am ganiatâd cynllunio gael ei gyflwyno.



Am fwy o wybodaeth neu gyngor, cysylltwch â'r:

Prif Swyddog Cynllunio  
Stryt y Lampint,  
Wrecsam, LL11 1AR.

Ffôn: (01978) 292013  
Ffacs: (01978) 292502  
[www.wrecsam.gov.uk](http://www.wrecsam.gov.uk)

Mabwysiadwyd Ebrill 1998